

Lög og reglugerðir um keppni á vegum LH

Útgáfa 2021

Kafli 7

Reglugerðir um gæðingakeppni



7	REGLUGERÐIR UM GÆÐINGAKEPPNI	4
7.1	Formáli	4
7.1.1	Markmið	4
7.1.2	Vilji	4
7.1.3	Taktur og samræmi	4
7.1.4	Framtak og gangrými	4
7.1.5	Fas og hreyfingarfegurð	4
7.2	Dómsatriði í gæðingakeppni:	5
7.2.1	Fet	5
7.2.2	Brokk	5
7.2.3	Hægt tölt	5
7.2.4	Greitt tölt	5
7.2.5	Stökk	5
7.2.6	Tölt A-flokkur	5
7.2.7	Skeið	5
7.2.8	Vilji	5
7.2.9	Fegurð í reið	5
7.3	Um keppnishesta, sýnendur og búnað	6
7.3.1	Keppnisréttur og skráning	6
7.3.2	Sýnandi, búnaður hests og knapa	6
7.3.3	Fyrirmæli	6
7.3.4	Hrekkir og fleira	6
7.3.5	Aflestur örmerkis	6
7.4	Um dómara, dómstörf og framkvæmd keppni	6
7.4.1	Dómarar og dómnefnd	6
7.4.2	Dómarar og dómstörf	7
7.4.3	Framkvæmd keppni	7
7.4.4	Vallarstærð	8
7.5	Reglugerð LH fyrir einkunnaútreikning í gæðingakeppni.	8
7.5.1	Reikniregla um uppgjör dóma	8
7.5.2	Verkefni	8
7.5.2.1	A-flokkur gæðinga	8
7.5.2.2	B-flokkur gæðinga	9
7.5.2.3	C flokkur gæðinga	9
7.5.2.4	C1 flokkur gæðinga	10
7.6	Um úrslitakeppni gæðingakeppninnar	10
7.6.1	Þátttökuréttur í úrslitakeppni	10
7.6.2	Framkvæmd úrslitakeppni	11
7.6.2.1	Alhliða hestar – A-flokkur	11
7.6.2.2	Klárhestar með tölti – B-flokkur	11
7.6.2.3	C flokkur gæðinga	12
7.6.2.4	C1 flokkur gæðinga	12

7.6.2.5	Hestar jafnir eftir úrslit	12
7.6.3	Keppnisröð á stórmótum	12
7.7	Reglugerð LH um barna-, unglinga- og ungmennakeppni	13
7.7.1	Keppendur í yngri flokkum	13
7.7.2	Keppnishesturinn í yngri flokkum	13
7.7.3	Einkunnir í yngri flokkum	13
7.7.4	Verkefni yngri flokka	13
7.7.4.1	Barnaflokkur	13
7.7.4.2	Unglingaflokkur	13
7.7.4.3	Ungmennaflokkur – B-flokkur	14
7.7.4.4	Ungmennaflokkur – A-flokkur	14
7.7.5	Keppnisréttur í úrslitum yngri flokka	14
7.7.6	Framkvæmd úrslita í yngri flokkum	14
7.7.6.1	Úrslitakeppni – barnaflokkur	14
7.7.6.2	Úrslitakeppni – unglingaflokkur	14
7.7.6.3	Úrslitakeppni – B flokkur ungmenna	14
7.7.6.4	Úrslitakeppni – A flokkur ungmenna	15
7.8	Reglur LH um gæðingakeppni á lands- og fjórðungsmótum	15
7.8.1	Sérstök forkeppni	15
7.8.1.1	B-Flokkur gæðinga	15
7.8.1.2	A-Flokkur gæðinga	16
7.8.1.3	Barnaflokkur	16
7.8.1.4	Unglingaflokkur	16
7.8.1.5	Ungmennaflokkur	16
7.9	Reglur um gæðingatölt	17
7.9.1	Gæðingatölt – fullorðinsflokkur	17
7.9.1.1	Gæðingatölt – fullorðinsflokkur - forkeppni	17
7.9.1.2	Gæðingatölt – fullorðinsflokkur - úrslitakeppni	17
7.9.2	Verkefni yngri flokka	17
7.9.2.1	Gæðingatölt – barnaflokkur - forkeppni	17
7.9.2.2	Gæðingatölt – unglingaflokkur - forkeppni	18
7.9.2.3	Gæðingatölt – ungmennaflokkur - forkeppni	18
7.9.3	Framkvæmd úrslita í yngri flokkum	19
7.9.3.1	Úrslitakeppni – gæðingatölt – barnaflokkur	19
7.9.3.2	Úrslitakeppni – gæðingatölt – unglingaflokkur	19
7.9.3.3	Úrslitakeppni - gæðingatölt – ungmennaflokkur	19

7 Reglugerðir um gæðingakeppni

7.1 Formáli

7.1.1 Markmið

Markmið gæðingakeppninnar er að finna besta reiðhestinn. Við þá leit ber dómurum ávallt að hafa í huga eftirfarandi höfuðforsendur:

7.1.2 Vilji

Fyrsta og mikilvægasta atriðið gæðingadóms er vilji/fjör reiðhestsins með öllu því skapgerðarívafi sem myndar viljann. Vilji og geð þarf að vera þannig að aðrir kostir hestsins nýtist sem best en má ekki verða til að spilla fyrir þeim. Mest sé metið það fjör sem án verulegrar viðkvæmni lætur allt í té af ljúfu geði og örlæti.

7.1.3 Taktur og samræmi

Taktur gangsins er mjög mikilvægt atriðið í dómi. Þess skal þó grandvarlega gætt að takturinn einn gefur ganginum ekki það hljómfall sem þarf til að skapa gæðing. Taktur, þó hreinn sé, ef sleginn er á stirða strengi hefur ekki þann seiðmjúka klið sem veitir reiðmanninum þann unað sem fátt jafnast á við. Taktinum þarf að fylgja fjaðurmagn og mýkt. Stíll, taktur og samræmi í hreyfingum sé ávallt metið með það í huga hversu vel það skilar sér í kostum hestsins til reiðar að mati dómara.

Dæmi: Lyfting og snerpa sem eykur fjaðurmagn, framtak og mýkt, gefur hærri einkunn. Telji dómari að hestur sé hins vegar: ofreistur, ósamræmi í hreyfingum og fjaðurmagn lítið, hesturinn allur stífur og vélrænn, dregur það niður einkunn.

7.1.4 Framtak og gangrými

Gripamikið og skörulegt framtak ber að meta hátt og því fremur ef saman fer fasmikil og fögur fótlyfta. Einkum skal gæta vel að samræmi í hreyfingum fram og afturfóta og meta til hækkunar eða lækkunar eftir sjónmati dómara. Ýkta fótlyftu sem jafnvel dregur úr framtaki og þrengir gangrými ber að meta til lækkunar á einkunn.

7.1.5 Fas og hreyfingarfegurð

Glæsilegt og stolt fas með svifléttum, fjaðurmögnuðum og kjarklegum hreyfingum er aðalsmerki á góðum reiðhesti og lyftir einkunn hans verulega. Í gamalli reglugerð um reiðhesta segir: „Hreyfingar reiðhestsins eiga að vera léttar, fjaðurmagnaðar, háar, svifmiklar, hreinar, sniðfastar og frjálssar.“ Þessi lýsing er enn í fullu gildi og ber að fordæma allt sem rænir hestinn fjaðurmagni og frjálssu fasi, svo sem ýktan fótburð, sem ekki er í samræmi við aðrar hreyfingar hestsins. Á þessum grundvallaratriðum skal gæðingadómur byggjast.

7.2 Dómsatriði í gæðingakeppni:

7.2.1 Fet

Sýna skal fet að minnsta kosti þrjá fjórðu úr langhlið til að fá meðaleinkunn eða hærra.

7.2.2 Brokk

Til að hreyfa einkunn skal hesturinn brokka a.m.k. 10 hestlengdir samfelld og til að fá meðaleinkunn eða hærra skal hann brokka eina langhlið hringvallarins.

7.2.3 Hægt tölt

Sýna skal hægt tölt samfelld eina langhlið 300m keppnisvallarins til að hljóta meðaleinkunn eða hærra.

7.2.4 Greitt tölt

Sama skilgreining og á hægu tölti nema hraðinn nokkuð yfir milliferðahraða til að ná meðaleinkunn eða hærra.

7.2.5 Stökk

Stökk skal sýna minnst heila langhlið 300m hringvallar til að fá meðaleinkunn eða hærra. Hesturinn skal stökkva af snerpu og mýkt í góðu jafnvægi með hreinum takti, svífa vel. Taka stökkið mjúklega og hæga stökkferðina án stífni og átaka.

7.2.6 Tölt A-flokkur

Frjáls hraði.

7.2.7 Skeið

Til að hljóta meðaleinkunn eða hærra skal hesturinn fara á hreinu skeiði minnst 100m. Til að hljóta hæstu einkunn á hesturinn að taka skeið af snarpri stökkferð, skeiða flugskeið heilan sprett af mikilli snerpu án mistaka, niðurtaka átakalaus og mjúk, endar sprettinn vel.

7.2.8 Vilji

Dómstriðið "vilji" telur til þeirra þátta í fari hestsins sem snerta skap hans og geð, s.s. fjör, kjark, snerpu, hlýðni og fylgni í reið.

7.2.9 Fegurð í reið

Það á fyrst og fremst við fegurð hestsins í reið s.s. líkamsbyggingu, höfuðburðar og uppsetningu, hreyfingu og fas, auk aðlögunar hestsins að stjórnun knapans. Þá ber einnig að líta á hátterni knapans, s.s. búnað, ásetu, taumhald og allt stjórnunarsamband við hestinn.

7.3 Um keppnishesta, sýndur og búnað

7.3.1 Keppnisréttur og skráning

Rétt til þátttöku í gæðingakeppni hafa öll tamin hross 5 vetra og eldri í eigu félagsmanna innan LH, ef þeir fullnægja skilyrðum þeim, sem sett eru í reglum þessum. Ekki er heimilt að skrá 5v hesta í fleiri en tvær keppnisgreinar eða sýningar á sama móti.

Hestur getur aðeins keppt fyrir eitt félag hvert almanaksár. Hann skal vera skráður í eigu félagsmanns í því félagi í síðasta lagi þann dag sem skráningu lýkur á mótið. Þetta gildir einnig í barna-, unglinga- og ungmennaflokkum. Undantekning er keppni eða sýningar í fjáröflunarskyni.

Heimilt er að skrá hesta í eigu hestabús og/eða ræktunarsambands til þátttöku í gæðingakeppni á vegum aðildarfélaga LH, enda sé formaður búsins, eða einhver eigandi þess, félagsmaður í viðkomandi félagi. Ef um fjöleignafélag er að ræða skal við skráningu tilgreina hvaða eigandi er ábyrgur fyrir skráningunni. Hestum hvers bús skal þó aðeins heimilt að taka þátt í keppnum eins félags, þ.e. með sama hætti og gildir um hesta almennra félagsmanna.

Hross, sem taka þátt í kynbótasýningu, eiga ekki þátttökurétt í gæðingakeppni lands- og fjórðungsmóta, að því undanskyldu að hross sem taka þátt í kynbótasýningu sem afkvæmi í afkvæmahópi, hafa þó rétt til þeirrar þátttöku.

7.3.2 Sýnandi, búnaður hests og knapa

Þegar gæðingur kemur fyrir dómnefnd, skal eigandi sjálfur, eða sá er hann kveður til, sitja hestinn í dómi. Í gæðingakeppni vísast til kafla 8 í lögum um íþróttakeppni (FIPO) um allan útbúnað knapa og hests.

7.3.3 Fyrirmæli

Keppandi skal hlíta fyrirmælum dómara (dómnefndar) og mótsstjórnar í öllu er að keppni lýtur. Neiti hann að hlíta settum reglum, ber yfirdómnefnd að vísa honum þegar frá keppni og skal það gert án undantekningar. Þó skal forsvarsmanni hests heimilt að útvega annan knapa, ef dómnefnd samþykkir.

7.3.4 Hrekkir og fleira

Hestar, sem sýna hrekki, fælni, kergju eða aðra viðlíka ókosti, skal vísa úr keppni.

Hlaupi hestur út af ógírtri keppnisbraut með alla fjóra fætur eða stígi með fót yfir snúru eða grindverk sem afmarkar braut, skal honum vísað frá keppni, nema að augljós utanaðkomandi atvik valdi.

Falli keppandi af baki í keppni, fellur parið úr leik í viðkomandi grein.

7.3.5 Aflestur örmerkis

Mótshaldarar skulu sannreyna með aflestri örmerkis að skráður hestur sé mættur til keppni.

7.4 Um dómara, dómstörf og framkvæmd keppni

7.4.1 Dómarar og dómnefnd

Dómarar við gæðingakeppni skulu hafa lokið dómaraprófi og hlotið viðurkenningu stjórnar LH sem gæðingadómarar.

Gæðinga- og unglingadómarar LH skiptast í tvo flokka: a) Félagsdómara b) Landsdómara

Félagsdómarar hafa rétt til að dæma í innanfélagskeppni. Landsdómarar hafa rétt til að dæma á öllum mótum sem haldin eru af LH eða aðildarfélögum þess. Landsdómarar hafa einnig réttindi til að stjórna gæðingakeppni.

Dómarar á lands- og fjórðungsmótum eru skipaðir af dómaranefnd LH.

Á innanfélagsmótum og minni mótum er heimilt að einungis þrír dómarar dæmi.

Kynnir og stjórnandi þarf ekki að vera dómari, en hann kynnir og stjórnar í samráði við og á ábyrgð dómara. Stjórnir hestamannafélaga sækja um dómara á þessi mót til LH í síðasta lagi fjórum vikum fyrir mót.

7.4.2 Dómarar og dómstörf

Dómari má ekki eiga hest í keppni á lands- eða fjórðungsmóti, í þeim flokki sem hann dæmir. Eigi hann hest í keppni á innanfélagsmóti, vikur hann sæti í dómnefnd á meðan hestur hans er dæmdur. Að öðru leyti vísast í kafla 8.3.3. um dómara.

7.4.3 Framkvæmd keppni

Á innanfélags- og smærri mótum hefst forkeppnin á því að hestunum er riðið í dóm, einum í einu, eftir skráningarröð. Mótstjórn er þó heimilt að leyfa 3-5 hesta í dómi í einu, samkvæmt sérstökum reglum LH um gæðingakeppni (sjá kafla 7.8).

Keppnin hefst á miðri skammhlið og skal keppandi ríða stystu leið, er hann kemur inn á völlinn, að byrjunarskammhlið sinni. Hann gefur síðan til kynna með greinilegri höfuðhneigingu að hann hafi hafið keppni.

Keppanda er frjálst að sýna gangteygundir í þeirri röð sem hann kýs. Hann ræður upp á hvora höndina hann hefur keppni og má skipta einu sinni um hönd í sýningu, þá á skammhlið. Keppandi hefur 3 hringi til umráða, þ.e. 6 langhliðar. Í A flokki er heimilt að nota beinu brautina einu sinni, í stað einnar langhliðar á hringvelli. Endi knapi sýningu á beinni braut, skal hann eftir 2,5 hring, enda hringvallarsýninguna á skammhlið og ríða svo ferjuleið út á enda beinu brautarinnar. Noti sýnandi beina braut áður en hann hefur lokið 2,5 hringjum á hringvelli, fer hann af miðri skammhlið, ferjuleið á enda beinnar brautar. Eftir að hafa farið beinu brautina ber honum að ríða inn á hringvöllinn ferjuleið á næstu skammhlið og ljúka svo sýningu á skammhlið. Eftir að keppandi hefur hafið aðreið að skeiðsýningu er honum óheimilt að taka baug eða snúa við. Skal hann þá dæmdur úr leik¹. Endi keppandi sýningu á beinni braut, endar hann sýninguna við enda beinu brautarinnar. Knapi skal gefa til kynna með greinilegri höfuðhreyfingu að hann hafi lokið keppni.

Eftir að hafa lokið síðasta sýningaratriði verður knapi að hafa hægt á hesti sínum niður á fet fyrir miðja næstu langhlið. Riðið skal stystu leið út af hringvöllum, að teknu tilliti til þess hvar hestur er kominn niður á fet eftir sýningu.

Dómarar gefa hestunum einkunn fyrir hvert dæmt atriði með spjöldum sem stjórnandi les. Heimilt er að sýna einungis heildareinkunn hests að lokinni keppni hans. Þá skal sýna útprentað á blaði sundurliðun einkunna hvers hests og röð keppenda eftir einkunnum, strax að lokinni hverri keppnisgrein.

¹ Breytt á landsþingi 2020

Á lands- og fjórðungsmótum skal sýna röð keppenda eftir einkunnum á tölvuskjá að loknum dómi hvers hests.

7.4.4 Vallarstærð

Gæðingakeppni skal fara fram á 300 m hringvelli með samliggjandi beinni skeiðbraut a.m.k. 175 m langri. Þó er heimilt að keppa á hringvöllum allt niður í 250 m að stærð með a.m.k. 4 m breiðri braut.

Leyfilegir vellir eru:

- Þ-laga vellir, með samliggjandi beinni braut
- A-laga vellir, með samliggjandi beinni braut
- Sérafmarkaðir hringvellir með aðliggjandi beinni braut.

Vellina skal afmarka með girðingum eins og þurfa þykir.

Á landsmóti skal keppt á 300 m hringvelli.

7.5 Reglugerð LH fyrir einkunnaútreikning í gæðingakeppni.

7.5.1 Reikniregla um uppgjör dóma

Dómarar birti einkunnir með 2 aukastöfum þegar aðaleinkunn er birt og skal meðaleinkunn keppenda birt þannig. Reikna skal einkunn og gera út um sætaröðum með þriðja aukastaf. Þessi regla gildir um alla flokka gæðingakeppninnar.

7.5.2 Verkefni

7.5.2.1 A-flokkur gæðinga

Hestur sem tekur þátt í A-flokki gæðinga getur ekki tekið þátt í öðrum A-flokki gæðinga, né neinum B- eða C-flokki gæðinga á sama móti².

Riðnir skulu þrír hringir og sýnt fet, tölt, brokk, stökk og skeið. Heimilt er að sýna skeið einu sinni á 175 m langri braut sbr. ákvæði 7.4.3.

Einkunnir skulu gefnar eftir þeirri reglu að talan 5 er grunntala, þ.e. lægsta tala í einkunnagjöf og jafngildir því núlli.

Einkunnir skal reikna samkvæmt eftirfarandi kvarða:

Alhliða hestar (A-flokkur)

	Atriði	Einkunn	Vægi
1.	Fetgangur	5-10	1
2.	Brokk	5-10	1
3.	Tölt	5-10	2
4.	Stökk	5-10	1
5.	Skeið	5-10	2
6.	Vilji	5-10	2

² Breytt á landsþingi 2020

7.	Fegurð í reið	5-10	2
----	---------------	------	---

Deilitala dómara til að fá aðaleinkunn keppanda er 11. Séu allar einkunnir lesnar upp er deilt í dómpalli með 33 séu 3 dómara að dæma en 55 séu fimm dómara að dæma.

7.5.2.2 B-flokkur gæðinga

Hestur sem tekur þátt í B-flokki gæðinga getur ekki tekið þátt í öðrum B-flokki gæðinga, né neinum A- eða C-flokki gæðinga á sama móti.³

Riðnir skulu þrír hringir og sýnt fet, hægt tölt, brokk, stökk og greitt tölt. Einkunnir skulu gefnar eftir þeirri reglu að talan 5 er grunntala, þ.e. lægsta tala í einkunnagjöf og jafngildir því núlli.

Einkunnir skal reikna samkvæmt eftirfarandi kvarða:

Klárhestar með tölti (B-flokkur)

	Atriði	Einkunn	Vægi
1.	Fetgangur	5-10	1
2.	Brokk	5-10	1
3.	Hægt tölt	5-10	1
4.	Stökk	5-10	1
5.	Greitt tölt	5-10	1
6.	Vilji	5-10	2
7.	Fegurð í reið	5-10	2

Deilitala dómara til að fá aðaleinkunn keppanda er 9. Séu allar einkunnir lesnar upp er deilt í dómpalli með 27 séu 3 dómara að dæma en með 45 séu fimm dómara að dæma.

7.5.2.3 C flokkur gæðinga

Knapi og hestur sem keppa í C flokki geta ekki líka keppt í A eða B flokki á sama móti. Ekki skal keppt í C flokki á Landsmótum. Þessi flokkur er hugsaður fyrir minna vana keppendur. Þessi grein er hringvallargrein. Pískur er leyfður í þessari grein.

Riðnir skulu tveir hringir og sýnt fet, tölt og/eða brokk og stökk. Sýni keppandi bæði brokk og tölt er einkunn fyrir betri gangtegundin notuð. Einkunnir skulu gefnar á gæðingaskala frá 5-10, þar sem talan 5 er grunntala og jafngildir núlli.

³ Breytt á landsþingi 2020

Einkunnir skal reikna samkvæmt eftirfarandi kvarða.

C Flokkur

	Atriði	Einkunn	Vægi
1.	Fetgangur	5-10	1
2.	Brokk og/eða tölt	5-10	1
3.	Stökk	5-10	1
4.	Vilji	5-10	1
5.	Fegurð í reið	5-10	1

Deilitala dómar til að fá aðaleinkunn keppanda er 5. Séu allar einkunnir lesnar upp er deilt í dómpalli með 15 séu 3 dómarar að dæma en 25 séu 5 dómarar að dæma.

7.5.2.4 C1 flokkur gæðinga

Knapi og hestur sem keppa í C1 flokki geta ekki líka keppt í A eða B flokki á sama móti. Ekki skal keppt í C1 á Landsmótum. Þessi flokkur er hugsaður fyrir minna vana keppendur. Þessi grein er hringvallargrein. Pískur er leyfður í þessari grein.

Riðnir skulu tveir hringir og sýnt fet, tölt og brokk. Einkunnir skulu gefnar á gæðingaskala frá 5-10, þaar sem talan 5 er grunntala og jafngildir núlli.

Einkunnir skal reikna samkvæmt eftirfarandi kvarða.

C1 flokkur

	Atriði	Einkunn	Vægi
1.	Fetgangur	5-10	1
2.	Brokk	5-10	1
3.	Tölt	5-10	1
4.	Vilji	5-10	1
5.	Fegurð í reið	5-10	1

Deilitala dómar til að fá aðaleinkunn keppanda er 5. Séu allar einkunnir lesnar upp er deilt í dómpalli með 15 séu 3 dómarar að dæma en 25 séu 5 dómarar að dæma.

7.6 Um úrslitakeppni gæðingakeppninnar

7.6.1 Þátttökuréttur í úrslitakeppni

Á félagsmótum skulu þeir hestar, sem hæstar einkunnir hafa hlotið í forkeppni, koma aftur fyrir dómnefnd og skal þá endanlega skorið úr um röð hestanna í úrslitakeppni.

Í úrslitakeppni skulu taka þátt jafnmargir hestar og verðlaun eiga að hljóta. Á landsmótum hafa mótshaldarar heimild til að hafa bæði A og B úrslit í öllum flokkum. Í A-úrslitum keppi hestar í 1. til 7. sæti í forkeppni en í B-úrslitum hestar sem náð hafa 8. til 15. sæti í forkeppni. Efsti hestur í B-úrslitum fær keppnisrétt í A-úrslitum. Á fjórðungs og stórmótum hafa 8 hestar þátttökurétt í öllum flokkum.

Á öðrum mótum eiga 5 eða 3 hestar þátttökurétt. Forfallist hestur, öðlast fyrsti varahestur úr forkeppninni þátttökurétt.

Framkvæmdanefnd sér um að allir knapar beri greinileg númer á báðum hliðum t.d. á stígvélum.

Á öðrum hestamótum en lands- fjórðungs- og stórmótum, má viðhafa svona form á úrslitakeppni, ákveði viðkomandi framkvæmdanefnd svo.

7.6.2 Framkvæmd úrslitakeppni

Hestunum er riðið samtímis, með ákveðnu millibili, í dómhring.

Stjórnandi segir til um í samræmi við reglur hvaða atriði ber að sýna hverju sinni. Hann skal sjá um að jafnt sé riðið á báðar hendur nema í skeiði í A-flokki.

Í A og B flokki er gefin einkunn á milli gangtegunda fyrir hvern keppanda og í lokin fyrir fegurð í reið og vilja, hvort fyrir sig.

Framkvæmdanefnd sér um að allir knapar beri greinileg númer á báðum hliðum, t.d. á stígvélum.

7.6.2.1 Alhliða hestar – A-flokkur

Úrslit skulu fara þannig fram:

- Sýna skal tölt á frjálsum hraða allt að tveim hringjum til hvorrar handar.
- Sýna skal brokk allt að tveim hringjum til hvorrar handar.
- Sýna skal tvo skeiðspretti báða til sömu handar, að höfðu samráði við keppendur.

Eftir að keppandi hefur hafið aðreið að skeiðsýningu er honum óheimilt að taka baug eða snúa við. Skal hann þá dæmdur úr leik.⁴

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyriræla frá stjórnanda.

Öll úrslitakeppni skal hefjast á vinstri hönd.

7.6.2.2 Klárhestar með tölti – B-flokkur

Úrslit skulu fara þannig fram:

- Sýna skal hægt tölt, allt að tveim hringjum til hvorrar handar.
- Sýna skal brokk, allt að tveim hringjum til hvorrar handar.
- Þá skal sýna greitt tölt á langhliðum, allt að tveim hringjum til hvorrar handar.
- Þegar skipt er um hönd á brokki skal gert hlé í eina mínútu og þegar skipt eru um hönd á greiðu tölti skal gert hlé í tvær mínútur. Í hléunum skulu knapar láta hesta sína feta og bíða frekari fyriræla.

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyriræla frá stjórnanda.

Öll úrslitakeppni skal hefjast á vinstri hönd.

⁴ Breytt á landsþingi 2020

7.6.2.3 C flokkur gæðinga

Úrslit skula fara þannig fram:

- Tölt eða brokk skal sýna allt að tveimur hringjum til hvorrar handar. Knapi skal velja hvort hann sýni tölt eða brokk, ekki má sýna bæði
- Sýna skal fet, allt að einum hring upp á hvora hönd
- Sýna skal fet, allt að einum hring upp á hvora hönd
- Sýna skal tvo spretti á stökki, einn í einu með hraðaaukningu og mjúkri niðurrægingu. Keppendur safnist saman á skammhlið og koma sér saman um, í samráði við stjórnanda, á hvorri langhliðinni stökk skal sýnt.
- Eftir hverja gangtegund er gefin einkunn og í lokin fyrir vilja og fegurð í reið.
- Á milli atriða og þegar skipt er um hönd, skulu keppendur hægja niður á fet, jafna bilin og bíða frekari fyrirmæla frá stjórnanda.
- Öll úrslitakeppni skal hefjast á vinstri hönd.

7.6.2.4 C1 flokkur gæðinga

Úrslit skula fara þannig fram:

- Tölt skal sýna allt að tveimur hringjum til hvorrar handar.
- Brokk skal sýna allt að tveimur hringjum til hvorrar handar
- Sýna skal fet, allt að einum hring upp á hvora hönd
- Eftir hverja gangtegund er gefin einkunn og í lokin fyrir vilja og fegurð í reið.
- Á milli atriða og þegar skipt er um hönd, skulu keppendur hægja niður á fet, jafna bilin og bíða frekari fyrirmæla frá stjórnanda.
- Öll úrslitakeppni skal hefjast á vinstri hönd.

7.6.2.5 Hestar jafnir eftir úrslit

Séu tveir eða fleiri hestar jafnir í efsta sæti eftir úrslit skulu dómara sýna röðun byggða á einkunnum sem þeir gáfu áður. Einungis má sýna fyrsta sætið einu sinni. Ef hestar eru jafnir í öðru sæti en því fyrsta, deila þeir með sér sætinu. Hlutkesti ræður úthlutun verðlauna.

Íslensk sérregla: Verði knapar jafnir í einhverju öðru sæti en því fyrsta og það sæti skiptir máli í annarri keppni svo sem um Íslandsmeistaratitil eða innanfélagstitil skal nota sömu aðferð, þ.e. dómara sýni sætaröðun byggða á einkunnum gefnum í úrslitum þar sem einungis má nota fyrsta sætið einu sinni.

7.6.3 Keppnisröð á stórmótum

Í gæðingakeppni og keppni í yngri aldursflokkum á lands- og fjórðungsmótum, er keppnisröð hesta ákveðin með útdrætti, sem framkvæmdanefnd annast. Keppendum eða fulltrúum þeirra er heimilt að vera viðstaddir útdráttinn.

7.7 Reglugerð LH um barna-, unglinga- og ungmennakeppni

7.7.1 Keppendur í yngri flokkum⁵

Keppnin fer fram í þremur aldursflokkum, flokki barna, unglinga og ungmenna. Aldur keppenda miðast við almanaksárið, þannig að í barnaflokki eru þeir sem verða 10-13 ára á keppnisárinu, í unglingaflokki sem verða 14-17 ára á keppnisárinu og í ungmennaflokki sem verða 18-21 árs á keppnisárinu. Aldurstakmörk fyrir barnaflokk eru bindandi, þ.e. þótt ekki sé boðið upp á pollaflokk mega yngri knapar ekki keppa í barnaflokki. Ekki er keppt í pollaflokki á Landsmóti. Í þessum yngri flokkum er það ekki hesturinn, heldur knapinn, sem vinnur til verðlauna.

7.7.2 Keppnishesturinn í yngri flokkum

Keppandi í barna- unglinga- og ungmennaflokki má ekki mæta til keppni með hest, sem tekur þátt í öðrum greinum mótsins, nema hann sýni hann sjálfur.

Hver keppandi má skrá til leiks fleiri en einn hest. Komi barn, unglingur eða ungmenni fleiri en einum hesti í úrslit verður hann að velja hvaða hesti hann ríður í úrslitum. Hann skal svo tilkynna sínu félagi hvaða hest hann hyggst fara með á Landsmót áður en skráningarfresti á viðkomandi Lands-, fjórðungs- eða stórmót lýkur, óháð því hvað hesti hann ríður í úrslitum. Keppandi í yngri flokki á Landsmóti getur ekki jafnframt verið varaknapi með annan hest í sínum flokki.

Sá hestur, sem keppandi í barna- unglinga- eða ungmennaflokki mætir með í keppni, verður að vera í eigu aðalfélaga sama félags og keppandinn er í.

Forfallist skráður hestur keppanda á lands-, fjórðungs- eða stórmóti, kemur varakeppandi og hestur hans í stað þess forfallaða.

7.7.3 Einkunnir í yngri flokkum

Einkunnagjöf skal hagað þannig að gefin er sér einkunn fyrir hverja gangtegund, þær síðan lagðar saman og deilt í með fjölda þeirra. Fæst þannig meðaleinkunn. Þá skal gefa sérstaka einkunn í lokin fyrir stjórnun og ásetu í barna- og unglingaflokkum.

7.7.4 Verkefni yngri flokka⁶

7.7.4.1 Barnaflokkur

Riðnir skulu tveir hringir og sýnt fet, tölt og/eða brokk og stökk. Sýni barn bæði brokk og tölt er einkunn fyrir betri gangtegundina notuð.

7.7.4.2 Unglingaflokkur

Riðnir skulu þrír hringir og sýnt fet, hægt tölt, brokk, stökk og yfirferðargangur, þ.e. annað hvort tölt eða brokk á langhliðum.

⁵ Breytt á landsþingi LH 2018

⁶ Breytt á landsþingi LH 2018

7.7.4.3 Ungmennaflokkur – B-flokkur

Riðnir skulu þrír hringir og sýnt fet, hægt tölt, brokk, stökk og greitt tölt á langhliðum. Einkunnum fyrir fegurð í reið og vilja er bætt við.

7.7.4.4 Ungmennaflokkur – A-flokkur⁷

Riðnir skulu þrír hringir og sýnt fet, tölt, brokk, stökk og skeið. Heimilt er að sýna skeið einu sinni á 175 m langri braut, sbr. ákvæði 7.4.3. Eftir að keppandi hefur hafið aðreið að skeiðsýningu er honum óheimilt að taka baug eða snúa við. Skal hann þá dæmdur úr leik.⁸

Einkunnum fyrir fegurð í reið og vilja er bætt við.

Einfalt vægi er á einkunnum fyrir vilja, fegurð í reið, tölt og skeið.

Ekki skal keppa í ungmennaflokki A-flokki á landsmótum.⁹

7.7.5 Keppnisréttur í úrslitum yngri flokka

Á félagsmótum skulu þeir keppendur, sem hæstar einkunnir hafa hlotið í forkeppni, koma aftur fyrir dómnefnd og skal þá endanlega skorið úr um röð keppenda í úrslitakeppninni. Í úrslitakeppni skulu taka þátt jafnmargir knapar og verðlaun eiga að hljóta.

Framkvæmdanefnd sér um að allir keppendur beri greinileg númer á báðum hliðum t.d. á stígvélum.

7.7.6 Framkvæmd úrslita í yngri flokkum¹⁰

Hestunum er riðið samtímis, en með ákveðnu millibili, í dóm. Stjórnandi segir til um í samræmi við reglur hvaða atriði ber að sýna hverju sinni. Hann skal sjá um að jafnt sé riðið á báðar hendur.

7.7.6.1 Úrslitakeppni – barnaflokkur

Tölt og/eða brokk skal sýna minnst tvo hringi til hvorrar handar. Sýni barn bæði brokk og tölt er einkunn fyrir betri gangtegundina notuð. Stökk skal sýna tvo spretti, einn í einu, með hraðamun og mjúkri niðurbægingu. Keppendur safnist saman á skammhlið og komi sér saman um, í samráði við stjórnanda, í hvora áttina ríða skal.

Eftir hverja gangtegund er gefin einkunn fyrir hvern keppanda og í lokin fyrir stjórnun og ásetu.

7.7.6.2 Úrslitakeppni – unglingaflokkur

Hægt tölt, brokk, yfirferð á langhliðum, annað hvort tölt eða brokk. Minnst tvo hringi til hvorrar handar. Í báðum flokkum skal meta ásetu í úrslitakeppni.

Eftir hverja gangtegund er gefin einkunn fyrir hvern keppanda og í lokin fyrir stjórnun og ásetu. Stjórnun og áseta í unglingaflokki gildir eins og ein gangtegund.

7.7.6.3 Úrslitakeppni – B flokkur ungmenna

Hægt tölt, brokk, greitt tölt á langhliðum. Minnst tveir hringir til hvorrar handar.

⁷ Breytt á landsþingi LH 2018

⁸ Breytt á landsþingi 2020

⁹ Breytt á landsþingi 2020

¹⁰ Breytt á landsþingi LH 2018

Í ungmennaflokkki er gefin einkunn eftir hverja gangtegund fyrir hvern keppanda og í lokin fyrri fegurð í reið og vilja, hvort fyrir sig.

7.7.6.4 Úrslitakeppni – A flokkur ungmenna

Úrslit skulu fara þannig fram:

- Sýna skal tölt á frjálsum hraða allt að tveim hringjum til hvorrar handar.
- Sýna skal brokk allt að tveim hringjum til hvorrar handar.
- Sýna skal tvo skeiðspretti báða til sömu handar, að höfðu samráði við keppendur.

Eftir að keppandi hefur hafið aðreið að skeiðsýningu er honum óheimilt að taka baug eða snúa við. Skal hann þá dæmdur úr leik.¹¹

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyrirmæla frá stjórnanda. Öll atriði vega einfalt.

Öll úrslitakeppni skal hefjast á vinstri hönd.

7.8 Reglur LH um gæðingakeppni á lands- og fjórðungsmótum

7.8.1 Sérstök forkeppni

Forkeppni fer þannig fram í öllum flokkum að þrír til fimm hestar eru í dómi á hringvellingum í einu. Áður en forkeppni hefst skal minnst 3 til 4 hestum, utan keppni, riðið fyrir dóm, til samræmingar fyrir dómara.

Að forkeppni lokinni skulu að lágmarki 30 efstu hestar halda áfram í milliriðil. Þó aldrei fleiri en helmingur heildarþátttakenda. Dregið skal um röð keppenda.

Úrslitakeppnin skal fara fram a.m.k. degi síðar en forkeppnin og milliriðillinn.

Framkvæmdanefnd dregur um um röð keppenda.

Knapi skráir upp á hvora hönd hann vill ríða sérstaka forkeppni.

Hestmannafélgöin taki það fram í sínum skráningum á Landsmót upp á hvora hönd hver knapi vill ríða.

Komi varahestur inn skal hann sýna upp á sömu hönd og sá sem hann kemur í staðinn fyrir.

Áður en skráning telst endanleg skal hún birt á netmiðlum til yfirlestrar og geta knapar þá komið að leiðréttingum, hafi þeir skráðst á ranga hönd. Eftir að þeim fresti lýkur er ekki untnt að skipta um hönd.

7.8.1.1 B-Flokkur gæðinga

Þrír til fimm hestar inni á hringvellingum í einu.

- Tveir hringir hægt tölt
- Tveir hringir brokk frjáls hraði
- Tveir hringir greitt tölt á langhliðum
- Vilji x 2
- Fegurð í reið x 2
- Deilitala fyrir dómara er 7

¹¹ Breytt á landsþingi 2020

7.8.1.2 A-Flokkur gæðinga

Þrír til fimm hestar inni á hringvellingum í einu.

- Tveir hringir tölt x 2
- Tveir hringir brokk frjáls hraði
- Ein umferð skeið, einn og einn í einu x 2
- Vilji x 2
- Fegurð í reið x 2
- Deilitala fyrir dómara er 9

7.8.1.3 Barnaflokkur

- Þrír til fimm hestar inni á hringvellingum í einu
- Tveir hringir brokk og/eða tölt
- Stjórnun og áseta x 1¹²
- Tvær umferðir stökk, betri ferð gildir til einkunnar
- Stjórnun og áseta x 1¹³
- Deilitala fyrir dómara er 4

7.8.1.4 Unglingaflokkur

- Þrír til fimm hestar inni á hringvellingum í einu
- Tveir hringir hægt tölt
- Tveir hringir brokk frjáls hraði
- Tvær umferðir yfirferðargangur á langhliðum, annað hvort tölt eða brokk
- Stjórnun og áseta
- Deilitala fyrir dómara er 4

7.8.1.5 Ungmennaflokkur

- Þrír til fimm hestar inni á hringvellingum í einu
- Tveir hringir hægt tölt
- Tveir hringir brokk, frjáls hraði
- Tveir hringir greitt tölt á langhliðum
- Fegurð í reið
- Vilji
- Deilitala fyrir dómara er 5

¹² Breytt á landsþingi 2020

¹³ Breytt á landsþingi 2020

7.9 Reglur um gæðingatölt¹⁴

7.9.1 Gæðingatölt – fullorðinsflokkur

7.9.1.1 Gæðingatölt – fullorðinsflokkur - forkeppni

Riðnir skulu tveir hringir. Sýna skal hægt tölt 1 hringur, snúið við og sýnt tölt frjáls ferð 1 hringur. Sýningu skal stjórnað af þul ef tveir eða fleiri eru inni á hringvellinum í einu. Einkunnir skulu gefnar eftir þeirri reglu að talan 5 er grunntala, þ.e. lægsta tala í einkunnagjöf og jafngildir því núlli. Einkunnir skal reikna samkvæmt eftirfarandi kvarða:

	Atriði	Einkunn	Vægi
1.	Hægt tölt	5-10	1
2.	Tölt frjáls ferð	5-10	1
3.	Fegurð í reið	5-10	1
4.	Vilji	5-10	1

Deilitala dómara til að fá aðaleinkunn keppanda er 4. Séu allar einkunnir lesnar upp er deilt í dómpalli með 12 séu 3 dómarar að dæma en með 20 séu fimm dómarar að dæma.

7.9.1.2 Gæðingatölt – fullorðinsflokkur - úrslitakeppni

Úrslit skulu fara þannig fram:

- Sýna skal hægt tölt, allt að tveim hringjum til hvorrar handar.
- Sýna skal tölt með frjálsri ferð, allt að tveim hringjum til hvorrar handar.
- Þegar skipt er um hönd á tölti með frjálsri ferð skal gert hlé í eina mínútu. Í hléi skula knapar láta hesta sína feta og bíða frekari fyrirmæla.

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyrirmæla frá stjórnanda.

Öll úrslitakeppni skal hefjast á vinstri hönd.

7.9.2 Verkefni yngri flokka

7.9.2.1 Gæðingatölt – barnaflokkur - forkeppni

Riðnir skulu tveir hringir. Sýna skal hægt tölt 1 hringur, snúið við og sýnt tölt frjáls ferð 1 hringur. Sýningu skal stjórnað af þul ef tveir eða fleiri eru inni á hringvellinum í einu. Einkunnir skulu gefnar eftir þeirri reglu að talan 5 er grunntala, þ.e. lægsta tala í einkunnagjöf og jafngildir því núlli. Einkunnir skal reikna samkvæmt eftirfarandi kvarða:

¹⁴ Samþykkt á landsþingi 2020

	Atriði	Einkunn	Vægi
1.	Hægt tölt	5-10	1
2.	Stjórnun og áseta	5-10	1
3.	Tölt frjáls ferð	5-10	1
4.	Stjórnun og áseta	5-10	1

Deilitala dómara til að fá aðaleinkunn keppanda er 4. Séu allar einkunnir lesnar upp er deilt í dómpalli með 12 séu 3 dómarar að dæma en með 20 séu fimm dómarar að dæma.

7.9.2.2 Gæðingatölt – unglingaflokkur - forkeppni

Riðnir skulu tveir hringir. Sýna skal hægt tölt 1 hringur, snúið við og sýnt tölt frjáls ferð 1 hringur. Sýningu skal stjórnað af þul ef tveir eða fleiri eru inni á hringvellinginum í einu. Einkunnir skulu gefnar eftir þeirri reglu að talan 5 er grunntala, þ.e. lægsta tala í einkunnagjöf og jafngildir því núlli. Einkunnir skal reikna samkvæmt eftirfarandi kvarða:

	Atriði	Einkunn	Vægi
1.	Hægt tölt	5-10	1
2.	Stjórnun og áseta	5-10	1
3.	Tölt frjáls ferð	5-10	1
4.	Stjórnun og áseta	5-10	1

Deilitala dómara til að fá aðaleinkunn keppanda er 4. Séu allar einkunnir lesnar upp er deilt í dómpalli með 12 séu 3 dómarar að dæma en með 20 séu fimm dómarar að dæma.

7.9.2.3 Gæðingatölt – ungmennaflokkur - forkeppni

Riðnir skulu tveir hringir. Sýna skal hægt tölt 1 hringur, snúið við og sýnt tölt frjáls ferð 1 hringur. Sýningu skal stjórnað af þul ef tveir eða fleiri eru inni á hringvellinginum í einu. Einkunnir skulu gefnar eftir þeirri reglu að talan 5 er grunntala, þ.e. lægsta tala í einkunnagjöf og jafngildir því núlli. Einkunnir skal reikna samkvæmt eftirfarandi kvarða:

	Atriði	Einkunn	Vægi
1.	Hægt tölt	5-10	1
2.	Tölt frjáls ferð	5-10	1
3.	Fegurð í reið	5-10	1
4.	Vilji	5-10	1

Deilitala dómara til að fá aðaleinkunn keppanda er 4. Séu allar einkunnir lesnar upp er deilt í dómpalli með 12 séu 3 dómarar að dæma en með 20 séu fimm dómarar að dæma.

7.9.3 Framkvæmd úrslita í yngri flokkum

7.9.3.1 Úrslitakeppni – gæðingatölt – barnaflokkur

Úrslit skulu fara þannig fram:

- Sýna skal hægt tölt, allt að tveim hringjum til hvorrar handar.
- Sýna skal tölt með frjálsri ferð, allt að tveim hringjum til hvorrar handar.
- Þegar skipt er um hönd á tölti með frjálsri ferð skal gert hlé í eina mínútu. Í hléi skula knapar láta hesta sína feta og bíða frekari fyrirsmæla.

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyrirsmæla frá stjórnanda.

Eftir hverja gangtegund er gefin einkunn fyrir hvern keppanda og í lokin fyrir stjórnun og ásetu.

Öll úrslitakeppni skal hefjast á vinstri hönd.

7.9.3.2 Úrslitakeppni – gæðingatölt – unglingaflokkur

Úrslit skulu fara þannig fram:

- Sýna skal hægt tölt, allt að tveim hringjum til hvorrar handar.
- Sýna skal tölt með frjálsri ferð, allt að tveim hringjum til hvorrar handar.
- Þegar skipt er um hönd á tölti með frjálsri ferð skal gert hlé í eina mínútu. Í hléi skula knapar láta hesta sína feta og bíða frekari fyrirsmæla.

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyrirsmæla frá stjórnanda.

Eftir hverja gangtegund er gefin einkunn fyrir hvern keppanda og í lokin fyrir stjórnun og ásetu.

Öll úrslitakeppni skal hefjast á vinstri hönd.

7.9.3.3 Úrslitakeppni - gæðingatölt – ungmennaflokkur

Úrslit skulu fara þannig fram:

- Sýna skal hægt tölt, allt að tveim hringjum til hvorrar handar.
- Sýna skal tölt með frjálsri ferð, allt að tveim hringjum til hvorrar handar.
- Þegar skipt er um hönd á tölti með frjálsri ferð skal gert hlé í eina mínútu. Í hléi skula knapar láta hesta sína feta og bíða frekari fyrirsmæla.

Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyrirsmæla frá stjórnanda.

Öll úrslitakeppni skal hefjast á vinstri hönd.